

# Un Dia den Bida

**Awenochi 9:10** Repeticion tur Diadomingo pa 5'or atardi. *cu Poentje Castro*

**"Tratamento profesional di un morto na Aurora Funeral Home"**

Email : [undiadenbida@setametaw](mailto:undiadenbida@setametaw)






## Atendencia di Arubadag na Utrecht a kibra tur record



**DIADOMINGO** tabata e dia cu hopi Arubiano residencia na Hulanda tabata warda. E celebracion anual aki, mihor conoci como "Arubadag", ta celebracion di Dia di Himno y Bandera di Aruba entre ciudadanonan Arubiano residencia na Hulanda, studiantenan Arubiano y tur esnan cu ta stima Aruba residencia y te hasta bishitando Hulanda. E biaha aki e celebracion a cuminsa cu e parti protocolario for di 12'or di merdia na "Vee-markthallen" na Utrecht, un localidad masha central y hopi acesibel. E titulo di e festividad tabata e aña aki: "Tur cos pa Aruba". Banda di e representacion di Aruba, tambe tabata presente e.o. sr. Marcel v/d Plank, Secretario di Estado pa Relacionan den Reino, sra. Ank Bijleveld y pa prome biaha como Prome

Minister di Aruba, mr. Mike Eman. Dignatarionan presente tabata varia di Minister, miembro di Tweede como di Eerste Kamer Hulandes pa invitadonan internacional manera Embahadornan. Den e tentnan den e establecimiento gigantesco por a cumpra un sin fin di pasaboca y cumindanan tipico di Aruba y tambe obranan di arte Arubiano. Notabel tambe tabata e presencia di un grupo di estudiante Arubiano cu tabata colecta firma pa un iniciativa pa introduci e posibilidad den leyman electoral di Aruba pa Arubianonan residencia na Hulanda por tin derecho di voto den eleccionan pa Parlamento na Aruba. Segun prome informenan ta mustra cu e firmanan recauda tabata substancial. E anochi a wordo corona cu un tremendo presentacion di Cla-

dius Phillips y OREO cu Road-march Queen, Lady Eyes, kendenan a haya permiso special pa por duna un presentacion mas largo mirando cu e publico

presente tabata pasando increiblemente bon. E celebracion sin duda por a wordo califica como un tremendo exito, specialmente mirando e hecho

cu practicamente no tabatin ningun incidente di lamenta rond di henter e celebracion. Y a kibra tur record pa loke ta asistencia.